

## Perquè lé pèi végnon-té biàn ?

Énsembio a la vegnà di pièye, l'apparichón di pèi biàn – ou canìsie, comèn i djon lé spésialiste – y é, tcheut i lo savon é i n'a bièn qu'i n'an pouée, én di premé signo qué lo cor y é én tren dé vinì vioù. La mélanina y é la color (én pimàn) produà pé lé sellule dé la pé, color qu'i pase i pèi é a la pé. La canìsie sor can lé sellule a la baze di pèi queutton dé produie dé mélanina.

Pé lé-z-albén, la pé é lé pèi prennon seutta color perquè i manque dé mélanina a coza dé eunna metachón jénétécca é lé jouèi i son rodzo perquè on vèi la quiée réfléchà pé lé vazo dou san dé la corouide, eunna di membrane di jouèi, qu'i ché rétrouve senza color.

La canìsie poui étre gropoye a dé fatteur jénétécco. I poui parétre peu vitto pé lé-z-eun peteu qué pé lé-z-otre. Lé-z-Améréndièn y an dé chance perquè y an po si problème : pé llor po dé canìsie é i perdon ghenca lé pèi !



lo gnalèi



Région Autonome  
Vallée d'Aoste  
Regione Autonoma  
Valle d'Aosta

Assessorat de l'Éducation  
et de la Culture  
Assessorato Istruzione  
e Cultura

### Tiré de :

[www.cybersciences.com](http://www.cybersciences.com) - écrit par Philippe Chartier

Texte publié en décembre 2009 sur « Coucou » - Commune d'Antey-St-André

Collaborateur d'Antey-St-André pour la traduction : Andrea Rolando

La transcription a été soignée par le Guichet Linguistique

Mise à jour de la graphie : octobre 2013